

Er gebräuchlichsten Sonnvhren sind ich zweierley art. Daß
 etliche werden also gemacht/ daß sie liegen / etliche aber daß sie
 auffrecht stehen. Die da liegen / werden gemeynlich also ge-
 macht/ daß sie ganz blatt vnnd wassergleich liegen / von den Gelehrten/
 wie ich bericht/horologia horizontalia genandt/ vnnd seit ferrner diese
 wassergleich liegende vhren dermassen bewand/ daß sie allezeit/ auch an
 dem lengsten Tag von morgen bisz zu abend alle stunden zeugen können:
 derohalben vñ weil solches keine auffgerichtete oder stehende Uhr thun-
 kan/dieselbige wol die volkommenste mögen genemmet werden. Die Uh-
 ren aber/die da auffrecht stehen/ dieselbige stehen entweder gegen mittag
 od gegen mitternacht: vñ solches entweder gerad vñ strack's zu/ oder etwas
 gegen den auff/oder nidergang der Sonnen abweichende: Item sie ste-
 hen entweder bleyrechtl auff/ oder gebogen / es seyn ein/ oder zurück/ von
 welchen ein,vnd zurück gebogenen Uhrent gleichwohl dismaln nicht/son-
 dern etwan zu andern zeiten von mir soll tractiret vnd gehandelt werden.
Sein demnach vilerley art der stehenden oder hangenden vhren/ als erst-
 lich sein die/welche bleyrechtl auff/ vnnnd zugleich strack's gegen mittag o-
 der mitternacht stehen. Darnach vnnnd zum andern die/welche wol bley-
 recht auff/aber nicht strack's gegen mittag oder mitternacht stehen / son-
 dern zur lincken oder rechten seiten/ etwas / es seyn viel oder wenig/ doch
 nimmermehr über 90 gradus, von mittag oder mitternacht gegen auff/
 oder nidergang der Sonnen abweichen. Zum dritten(von welchen vnd
 folgenden/wie gemelt/zu anderen zeiten/) die/welche wol strack's gegen
 mittag oder mitternacht/aber nicht bleyrechtl auff/ sondern ein/ oder zu-
 rück gebogen seyn vnd stehen. Endlich vnd zum letzten die/welche weder
 bleyrechtl auff/noch strack's gegen mittag oder mitternacht/ sondern von
 dem einen oder andern gegen auff/oder nidergang der Sonnen abwei-
 chende/zugleich ein/oder zurück gebogen stehen. Und entstehet nun dise
 vngleichheit daher/daß die Wände/ Mauren vnd Dächer / darauff vnd
 darunder man die Sonnvhrt zunachen begeret/ jesterzehster vnder-
 schiedlicher manier/ als neinblich strack's zu gegen mittag oder mitternacht/
 bleyrechtl auff/ von mittag oder mitternacht gegen auff/oder ni-
 der-